

جریدہ علیہ

مشجعت جلید اسلامیک جریده رسمیه سیدر

جمادی الاخره سنه ۱۳۴۰

عدد ۷۲

شمیلاک آیدہ بر نشر اولنور

برنجی سنہ

(اجوبه شرعیه)

تجارت و زراعت نظارتندن ۹ جمادی الاولی ۳۳۹ تاریخندہ بالورود، یوز باشی حیدر افدینک اولادی نامنه شام زراعت بانکہ سنہ تودیع ایدلمش اولان مبالغک فائضی حقندہ واقع اولان استفتایہ جوابدر :

§ مآلہ نظراً حادثہ اصول شرعیہ سنہ توفیقاً الزام ربیح اولنمادینی وزراعت بانکہ سی طرفندن نماء مذکور بالرضا ویرلمدیکی تقدیرده مذکور بانکہ نما اعطاسنه اجبار ایدیلہ من۔ اولبابده ۸ جمادی الآخرہ ۳۳۹

*
* *

اوقاف نظارتندن ۲۹ جمادی الاولی ۳۳۹ تاریخندہ بالورود، سنین وفیرہ اجارہ معجلہ ومؤجلہ سنی متولیسنه ادا ایتیمان بروقف مستأجرندن قبل فسخ الاجارہ گذران ایدن ایامک اجارہ لرینی طاب ایدہ جک اولدقدہ اولجہ تسمیہ اولنوب هنوز استیفا اولونمیان اجارہ معجلہ ایله مؤجل متراکمہ می می یوقسه قیمتی آرتمش اولان عرصہ نک اجر مثلی می طلب ایتیمی حقندہ واقع اولان استفتایہ جوابدر .

§ مآلہ نظراً حادثہ مذکور وقف عرصہ نک سنین مذکورده کی اجر مثلی مستأجرک ویرمسی اقتضا ایدر اولبابده ۲۶ جمادی الآخرہ ۳۳۹

*
* *

اوقاف نظارتندن ۱۱ جمادی الآخرہ ۳۳۹ تاریخندہ بالورود، بلااذن حاکم بر متولی وقفک مسقفاتندن برینی بش سنہ مدتله آخرہ ایجاری صحیح ومشروع اولوب اولیہ جنی حقندہ واقع اولان استفتایہ جوابدر :

§ مآلہ نظراً قصیر اولسون طویل اولسون واقف مدت ایجاری تعیین ایتمش ایسه شرط واقفہ اتباع لازم اولغلہ متولی موقوف مذکور شرط واقف موجبجہ اذن حاکم منر اجر مثلیله آخرہ ایجار ایدہ بیلیر، آنجق واقف مدت تعیین ایتامش ویا مدت قصیرہ ایله

ایله ایجارینی شرط ایتمش ایسه مدت طویلله ایجار ایچون نزد قاضیده حاجت ومصلحت شرعیه تحقیق ایتدکدن صکره موقوف مذکور اذن قاضی ایله آخره ایجار اولنه بیلیر .
اولیابده ۱۵ رجب ۳۳۹

* *

اوقاف نظارتی حقوق مشاورلکندن ۱۱ رجب ۳۳۹ تاریخنده بالورود ، بعض مقابر مسلمینه تجاوز اولمئسندن طولانی متجاوزلر علینه اقامه اولنان دعوی بر حکمه اقتران ایدنجهیه قدر کچن مدت ایچون متجاوزلر علینه آروجه اجر مثل دعواسی موافق اولوب اولمیه جینی حقنده واقع اولان استفتایه جوابدر :
§ مآله نظراً بوکی قبرستانی اشغال ایدن کیمسه لک اشغال مدتی ایچون اجر مثل ویرملری اقتضا ایدر اولیابده ۲۳ شعبان ۳۳۹

* *

دفتر خاقانی امانتندن ۲۱مارت ۳۳۷ تاریخنده بالورود، املاک صرفهده بائع ومشتري واراضی موقوفه وامیریه ایله اجارتینلی محللرده فارغ ومفروغ له خارجده بینلرنده بالایجاب والقبول عقدی اجرا ایتدکدنصکره مأمور ومتولی حضورنده بایع یا فارغک تقریر ویره جکلری صردهده مشتری یامفروغ لهک ویا طرفیندن برینک حضور وقبولی لازم اولوب اولمیه جینی حقنده واقع اولان استفتایه جوابدر :

§ مآله نظراً املاک صرفهده مشترینک حضوری لازم اولمادینی کی اراضی امیریه وموقوفه ایله اجارتینلی محللرده مفروغ لهک حین عقدده کی قبولی کافی اولوب آنجیق فراغ مذکورک تمام اولمسی اذن مأمور یامتولییه متوقف اولمغله عقد فراغ معلوم وشرايطاجازت موجود اولدینی تقدیرده مأمور یامتولی مفروغ لهک غیابنده عقدی مجیز اولور .

۱۹ شعبان ۳۳۹

* *

اوقاف نظارتندن ۵ رمضان ۳۳۹ تاریخنده بالورود، اقسرایده پرتونیال والدهسلطان جامع شریفی وتربه وکتابخانه خدمه سنک وقفیهده بر صراحت اولمدینی حالده اقامتلینه

مخصوص اولمق اوزره منزل انشاسی ویا بدل ایجار اعطاسی جائز اولتوب اولمدیغنه دائر
واقع اولان استفتایه جوابدر :

§ مآله نظراً شرط واقف خارجنده اوله رق غله وقفندن خدمه منبرورون ایچون منزل
انشاسی یاخود استیجار ایده جکلری خانه لر ایچون بدل ایجار اعطاسی مشروع اولماز .
اولباده
۲۲ رمضان ۳۳۹

* *

دفتر خاقانی امانتندن ۲۳ شوال ۳۳۹ تاریخنده بالورود ، بر کیسه متصرف اولدیغی
اموال غیر منقوله سی بسلمک شرطیله زوجیه سنه فراغه دیگر برینی توکیل ایدوب قبل الفراغ
موکل وفات ایتیش اولسه وکیل وکالتدن منعزل اولوب اولیه جغنه دائر واقع اولان استفتایه
جوابدر :

§ مآله نظراً مسئله ده حقوق غیرک تعلق منفهم اولماغله موکلک وقاتیله وکیل منعزل
اولور اولباده
۵ ذی القعدة ۳۳۹

* *

دارالحکمه دن ۲۶ محرم ۳۴۰ تاریخنده بالورود ، ارککلرک تدایسه مخصوص
خسته خاه قوغوشلرنده خسته باقیجیلانی وظیفه سیله قادینلرک توظیف واستخدام ایدملرینک
شرعاً جائز اولوب اولمدیغنه دائر واقع اولان استفتایه جوابدر :

§ مآله نظراً خسته رجال اجنبیه باقیجیلغنده طائفه نسانک استخداملری موافق شرع
عالی دکلدر .
۱۱ صفر ۳۴۰

